



UNIVERSITÄTS-
BIBLIOTHEK
PADERBORN

M. Ant. Mvreti Variarvm Lectionvm Libri XV

Muret, Marc-Antoine

Antverpiæ, M. D. LXXXVI.

Cap. 17. Illustratus locus ex oratione pro Cœlio.

[urn:nbn:de:hbz:466:1-70864](#)

est, hæc quæ subiiciam, non indigna, quæ notarentur, censui. Primum ergo vbi vulgo legitur, *Cui tamen ipsi regi veniam te daturum fuisse dicebas, si tum auxilia Pompeio, vel si etiam filium mississet, ipse tamen excusatione etatis usus esset.* in illis fragmentis elegantius, ni fallor, & verius ita scriptum est: *Cui tamen ipsi regi veniam te daturum fuisse dicebas, si, cum auxilia Pompeio, vel etiam filium mississet, ipse tamen excusatione etatis usus esset.* Item hoc, quod non ad nitorem & elegantiam orationis, sed ad sententiam ipsam non mediocriter pertinet. In iis enim libris quibus vulgo vrimur, ita legimus: *Ego meherculè C. Caesar initio, cum est ad me ista causa delata, Phidippum medicum, seruum regium, qui cum legatis missus esset, ab isto ipso adolescenti existimauit esse corruptum: hac suspitione sum percussus. medicum indicem subornabit, fingeret videlicet aliquod crimen veneni.* at in illis έλωεις, (ita enim planè vocari possunt) multo sincerius multoque emendatius, meo quidem iudicio, scriptum est: *Ego meherculè C. Caesar initio, cum est ad me ista causa delata, Phidippum medicum, seruum regium, qui cum legatis missus esset, ab isto adolescente esse corruptum: hac suspitione sum percussus. medicum indicem subornauit? fingeret videlicet aliquod crimen veneni.* Quæ scripture quin planè integræ & incorrupta sib[us] nemo dubitabit, qui locum illum paulo attentiūs considerauerit.

Illustratus locus ex oratione pro Cælio.

CAPUT XVII.

In oratione pro Cælio cum conatus esset M. Tullius impuram mulierem Clodium in eam suspicionem adducere, ut qui aderant, veneno ab ea sublatum Q. Metellum existimarent; hac postea amplificatione usus est: *Ex hac igitur domo progressa ista mulier, de-*

D 4

venenā

Aeneas Muret.

Lectiones

LIII
25

veneni celeritate dicere audebit? nonne ipsam domum mutet, ne quam vocem eliciat? non parietes consciens, non noctem illam funestam ac luctuosam perhorrescit? Suspicor autem, vbi eliciat legitur, eiiciat legi debere. significat enim, hoc ipsum metuere debere Clodium, ne vocem ipsa domus tam impia facinoris conscientia emittat, eliciendi autem verbum, ad hoc indicandum, non nimis aptum videtur. Euripidis etiam versibus quibusdam ex Hippolyto coronato hanc coniecturam non nihil adiuuari puto: è quibus totus ille locus manifestò expressus est. sunt autem hi:

Oὐδὲ σκότον φέλεσσον οὐ ξαρπγάριν,
Τέρεμνά τ' οἴκων, μή ποτε φθοργὸν ἀφῆ; id est,
Neque tenebras noctis perhorrent conscientiae,
Neque, ipse ne quando eiiciat vocem domus?

loquitur autem ibi Phædra de mulieribus, quæ se pudicas esse simulant, cum tamen clanculum libidini seruant: quas miratur prodite audere in conspectum vitorum: neq. timere, ne à nocte ipsa, & à domo conscientia indicentur. Hanc meam coniecturam Lambinus, homo omnium, sed nolo in mortuum, quoquo modo de me meritum, grauius dicere, principio quidem ita exagitauit, ut illa sollemnia effunderet, Barbaros esse, & omnium bonarum rerum imperitos, & quæcumq. præterea solebat, quoties ab aliquo dissentiebat, si qui putarent, eiicere vocem, Latinè dici. deinde, mutata sententia, in Notis ad Ciceronem, ipse se ad illum imperitorum numerum aggregauit: neque tamen mihi prorsus assensus est, sed nutauit, ut plerumque in grauioribus rebus solebat: fassus, coniecturam meam duorum veterum librorum testimonio comprobari. Extitit deinde, qui, gratiam, credo, Lambini aucupati volens, quam tamen, cuiusmodi esset, ipse postea exper-

expertus est, cùm emendationem meam aliquot Lucretij locis confirmari videret, secutus quidem eam est: sed eius Lambinum fecit auctorem, à quo illa diu oppugnata, non me, à quo primùm prolata erat. Sed hæc & leuia sunt, & à me ipso mirabiliter negliguntur. Aut non curanda gloria, aut ex grauioribus rebus petenda est.

*Cicero in oratione pro Sylla, locum quendam
Demosthenis imitatus ostenditur.*

CAPUT XVIII.

VIDETVR Cicero duobus ex Oratione pro Syl-
la locis Demosthenicum quendam adumbras-
se: qua in parte excusat se, quod in reo defendendo
multa de seipso diceré cogatur: cuius sermonis impo-
sitam sibi esse dicit ab accusatore necessitatem. nam
& Demosthenes idem in defendendo Ctesiphonte
dixerat: quem quomodo Latinus orator sit imitatus,
vt appareat, vtiusque verba describam. Ita igitur De-
mosth. Ei μὲν ἐν τοῖς ἀδίκοις πόνον κατηγράφειν Αἰχίνες,
καὶ γὰρ τοῖς τοπεῖσθαι μάρτυρες εὐθύς αὐτὸν γέμουσιν. ἐπειδὴ
ζεῦς εἰπὼν λόγον, τὰντα διεξιὼν, οὐδὲλακε, οὐ τὰ ποῖα κα-
τελέσθω με, ἀναγκάνον τὸν μὲν οὐδὲ δίκαιον αἷμα, Βεργέα,
οὐδὲ περινεύοι, μεδεγότων φρεστὸν εἰπεῖν. Cicero autem:
Et quoniam L. Torquatus, meus familiaris ac necessarius,
judices, existimauit, si nostram in accusatione sua necessitu-
dinem familiaritatemq[ue] violasset, aliquid se de auctoritate
meae defensionis posse detrahere, cùm huius periculi propul-
sione coniungam defensionem officij mei. Post autem
etiam apertius: Nam si Torquatus Syllam solum accusa-
set, ego quoque hoc tempore nihil aliud agerem, nisi eum
qui accusatus esset, defenderem. sed cùm ille tota oratione
in me esset inuectus, & cùm, vt initio dixi, defensionem

Act. Muret.

Act. Lectione.

L III

25